



Inatsisartunut ilaasortaq Jens Immanuelson, Siumut
/MAANI

**Greenland Venture pillugu § 37 naapertorlugu apeqquteqaammut nr. 217-imut
akissuteqaat**

31-08-2015
Sags nr. 2015 - 7610

Asasara Jens Immanuelson

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Aallarnisaasunut taarsigassarsititsisarnermut aamma Greenland Venture-mut
piginneqataanermit tunngatillugu ulloq 17. august 2015 Naalakkersuisunut
apeqquteqarputit.

Apeqquteqaaternut qujavunga, taakkualu matuma kinguliani akissuteqarfigineqarput

**1. Greenland Venture-p pilersitanut assigiingitsunut piginneqataassutai
iluanaaruteqaataasussanngorlugit namminersorlutik inuutissarsiorlutit
aallartitsinermit atorveqartut qanoq annertutigippat?**

Akissut:

Ingerlatseqatigiiffiup malittarisassaanni §3 malillugu ingerlatseqatigiiffiup
siunertaraa atugassarititaasut niuernermik tunngaveqartut malillugit
aningaasaliinissaq aamma suliffeqarfinnik pitsaasunik ineriartornissamut
periarfissaqartunik, aammalu periarfissat taakkua atorluarsinnaanissaannut
piviusunngortinneqarnissaannullu pisariaqartitsisunut, siunnersuisarnissaq,
kiisalu tapersiisarnermut aqqissuussat atuuttut aamma atuutilertussat
aammalu pisussanut pilersaarutit suliaqarnerit aqqissuussat pineqartut
siunertaannut naapertuuttumik, paasissutissiisarnerup isumaginissaa.

Greenland Venture A/S tunisassianik pingasunik neqerooruteqarpoq:

- Siuariartortitsinermit aningaasassat: Greenland Venture A/S
suliffeqarfinni siunissami niuernermut periarfissaqarfii aningaasaqarnikkut
pijuarsinnaasutut nalilerneqartuni, toqqaannartumik aningaasaliisarpoq.
Aningaasaatini piginneqataassutit minnerpaamik 10%-imik erniaqartillugit
piffissap erseqqinnerusumik isumaqatigiissutigineqartup iluani
tunineqartarput, tassalu piffissamut akunnattumik sivilissusilimmut
aningaasaliinermit niuerfimmi ernialiusanin annertunerungaatsiartumik.
- Siuariartortitsinermit taarsigassarsiaritit: Greenland Venture A/S
suliffeqarfinnut ingerlalluareersunut, annertunerusunik
aningaasaliinernik, ingerlatsinerminnik annertusititsinernik imaluunniit
piginnittut nikinnerannik suliaqarnermik ingerlatsisussanut,
siuariartortitsinermit taarsigassarsititsinissamik neqerooruteqartarpoq.
Siuariartortitsinermit taarsigassarsiniarnermit suliffeqarfik
aningaasaqarnikkut aqutsisoqarnikkullu ingerlalluatuussaaq.
Siuariartortitsinermit taarsigassarsiaritit taarsigassarsinissamut
tunngavissarititaasut isumaqatigiissutigineqartut naapertorlugit
ernialersorneqartarput aammalu utertillugit akilerneqartarlutik.
- Siuariartortitsinissamut qularnaveqqusiussaqarneq: Greenland Venture
A/S aningaaserivimmi taarsigassarsiat imaluunniit

akiliutigeriaannagassatut taarsigassarsiarisat 50 procentii tikillugit qularnaveeqqusiisarpoq.

Ulloq 31. juli 2015 aallarnerfigalugu ingerlatseqatigiiffiup suliffeqarfinni akuuffiusuni allanilu piginneqataassutai naatsorsuutitut allanneqartut 69,32 mio. koruunik naleqarput.

2. Piginneqataajunnaarnermi aningaasaliissutaasimasut kisimik utertinneqartarpat?

Akissut:

Greenland Venture A/S ingerlatseqatigiiffimmi siuariartortitsinissamut aningaasassanik akiliigaangat, tamanna ingerlatseqatigiiffimmi aktiaatinik/piginneqataassutinik pisinikkut pisarpoq. Greenland Venture A/S taamaallaat ingerlatseqatigiiffinni ingerlatsinermi periarfissaqarfeqartut nalillerneqartuni aningaasaliisarpoq, aammalu aningaasaliineq erniortitsinissaq naatsorsuutigalugu pisarluni. Greenland Venture A/S ungasissumut atuuttussanut aningaasaliisarpoq. Piginneqataajunnaarneq assersuutigalugu aktiaatillit sinnerinut, pisortanut imaluunniit allanut aktiaatinik/piginneqataassutinik tunisinikkut pisarpoq.

Taamaalliluni ingerlatseqatigiiffik ukiut ingerlaneranni ingerlatseqatigiiffimmi aktiaatit aqutigalugit aningaasaliinerup erniaannit iluanaaruteqartarpoq, kiisalu aktiaatiminnik tunisinermi iluanaaruteqartarluni.

Greenland Venture A/S ingerlatseqatigiiffimmut taarsigassarsianit aningaasassanik atugassiisimappat, taakkua taarsigassarsinissamut tunngavissarititaasut naapertorlugit akilersorneqartarput. Siuariartortitsinermut taarsigassarsisitsinermi piginneqataalertoqartanngilaq.

Inussiarnersumik inuulluaqqusillunga

Vittus Qujaukitsoq